

Abstract

Per il dretg da votar ecclesiastic da las dunnas è la situaziun autra che per il dretg da votar politic. La baselgia evangelica reformada dal Grischun è ina da las emprimas en Svizra che conceda a las dunnas il 1918 il dretg da votar activ e passiv, e quai en tut las plaivs dal chantun. Il fatg che questa egualitad è vegnida realisada gia baud è d'attribuir a l'idea predominanta en il Grischun che fatgs ecclesiastics e religius tutgian plitost tar il sector da vita da las dunnas, entant ch'il dretg da votar politic vegn considerà exclusivamain sco chaussa dals umens. Er l'uffizi da plevon fa part dal champ d'activitad dals umens. Cur che la pitschna vischnanca da Furna elegia il 1931 ina teologa grischuna sco preditganta, sa dostan las autoritads ecclesiasticas cun tut ils meds pussaivels cunter questa elecziun. Quella fa sensaziun sur ils cunfins chantunals ora e mai a discussiuns cuntraversas – per part era polemicas – en las gasettas. Tuttina n'han las dunnas en il Grischun anc fin il 1965 betg il dretg d'exercitar senza restricziun la professiun da preditganta.